



Gerth Mikaelen,
Inatsisartunut ilaasortat, Naleraq

Ilinniartut ineqarfiini akit pillugit – § 37 naapertorlugu apeqqummut nr. 2026/95-mut akissuteqaat

17-06-2026
Suliap normua 2026 - 3567
All. nr. 26539602

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Gerth Mikaelen,

Inatsisartut suleriaasiat naapertorlugu apeqqutitut saqqummiussanut qujanaq. Apeqqutit tullinnguuttuni akissuteqarfigissavakka.

Apeqqut 1: Nunatsinni ilinniagaqartunut ilinniartut inaanni najugalinnut qaammammut akiliut qanoq annertutigiva, kisermaamut aappariinnullu immikkoortillugit?

Akissut: Ilinniartut ineqarfii pillugit Inatsisartut inatsisaanni nr. 42, 12. november 2019-meersumi § 15, kingullermik Inatsisartut inatsisaat nr. 67, 20. november 2023-meersumi allangortinneqartoq naapertorlugu, ineqarnermut akiliut aamma qularnaveeqqusiissut ukiumi aningaasanut inatsiseqarfiusumi imatut aalajangersarneqarput:

Ineqartumut ataatsimut ini kisimiittariaq: qaammammut 869,00 kr.

Ineqartumut ataatsimut inissiaq marluuttariaq arlaliuttariarlunniit: qaammammut 869,00 kr.

Attartornermi ataatsimi qularnaveeqqusiissut: 869,00 kr.

Ilinniagaqartup taassumaluunniit inooqatigisaata meerai najugaqartut amerlassusaannik naatsorsorneqarnermut ilaatinneqarneq ajorput, aatsaalli 18-inik ukioqalereersimaleraangata.

Apeqqut 2: Nunatsinni illoqarfinni ilinniaqqiffiusuni, pisortat inissiaataat marlunnik pingasunillu initallit (2- og 3 rums) akikinnerpaamiit akisunerpaamut akimikkut qanoq inissisimappat?

Akissut: Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik ilanngussassamik Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfimmiit piniarsimavoq, aamma INI A/S-imiit ilanngussassamik piniarsimasumit, ingerlatseqatigiiffiup ininik

attartortittakkanik inissianut marlunnik pingasunik initalinnut aqutsisuusup naatsorsuineq suliarisimavaa. Inissiat ataatsimoortillugit INI A/S-imit aqunneqartut naatsorsuinermi ilaapput.

Naatsorsuinerup takutippaa, inissiat marlunnik pingasunillu initalit agguaqatigiissillugu ataatsimut 62,47 m²iusut. Inissiat marlunnik initalit agguaqatigiissillugu 51,29 m²-iupput, inissiallu pingasunik initalit agguaqatigiissillugu 73,14 m²-iullutik.

Naatsorsuineq tunngavigalugu inissiat attartortittakkat INI A/S-imit aqunneqartuni ineqarnermut akiliut allanngorarpoq inissiamut marlunnik initalimmut qaammammut 2.858 kr.-niit qaammammut 4000 kr.-nut aamma inissiamut pingasunik initalimmut qaammammut 3.860 kr.-ninit qaammammut 4,936 kr.-ninut.

Naatsorsuineq nalunaarsuiffimmi ataaniittumi takuneqarsinnaavoq.

<i>Illoqarfik</i>	<i>Ini</i>	<i>Annertussuseq tamarmiusoq agguaqatigiissillugu – m²</i>	<i>Qaammammut ineqarnermut akiliut – koruuninngorlugu</i>
<i>Qaqortoq</i>	2	54,02	3.867
<i>Qaqortoq</i>	3	72,25	4.936
<i>Narsaq</i>	2	53,58	4.000
<i>Narsaq</i>	3	71,17	4.754
<i>Paamiut</i>	2	49,29	3.030
<i>Paamiut</i>	3	66,32	4.013
<i>Nuuk</i>	2	51,40	2.858
<i>Nuuk</i>	3	71,76	3.860
<i>Sisimiut</i>	2	57,25	3.935
<i>Sisimiut</i>	3	75,02	4.795
<i>Aasiaat</i>	2	52,44	3.483
<i>Aasiaat</i>	3	70,83	4.071
<i>Ilulissat</i>	2	55,58	3.296
<i>Ilulissat</i>	3	74,80	4.234

Apequt 3: Nunatsinni angajoqqaanut kisimiittunut imaluunniit aappariinnut meerartalinnut pisortallu inissiaataanni najugaqartunut, ilinniagaqarusuttunut, najugartillu paariinnarlugu qaammammut akiliutaat ilinniartut inaanni najugaqartutuulli akiliisalissagaluarpata, assersuutigalugu inissiat qulit pineqartillugit, marlunnik pingasunilluunniit initalinnik najugaqarfigineqartunit Naalackersuisunit qanoq akeqassangatinneqarpa?

Akissut: Taamatut aaqjissuussinermi aningaasartuut inissianut qulinut marlunnik-pingasunik initalinnut ineqarnermut akiliut agguaqatigiissillugu qaammammut 26.345 kr.-nik Naalackersuisunut akeqarsinnaavoq.

Qaammammut ineqarnermut akiliutip aamma ilinniartut inaanni akiliutip assigiingissutaasoq ataani nalunaarsuiffimmi inissianut qulinut aningaasartuutaasut allattorneqarput.

<i>Illoqarfik</i>	<i>Ini</i>	<i>Inissiat qulit – kisimiittoq qaammammut</i>	<i>Inissiat qulit – aappariit qaammammut</i>
<i>Qaqortoq</i>	2	29.980	21.290
<i>Qaqortoq</i>	3	40.670	31.980
<i>Narsaq</i>	2	31.310	22.620
<i>Narsaq</i>	3	38.850	30.160
<i>Paamiut</i>	2	21.610	12.920
<i>Paamiut</i>	3	31.440	22.750
<i>Nuuk</i>	2	19.890	11.200
<i>Nuuk</i>	3	29.910	21.220
<i>Sisimiut</i>	2	30.660	21.970
<i>Sisimiut</i>	3	39.260	30.570
<i>Aasiaat</i>	2	26.140	17.450
<i>Aasiaat</i>	3	32.020	23.330
<i>Ilulissat</i>	2	24.270	15.580
<i>Ilulissat</i>	3	33.650	24.960

Oqaatigineqassaaq naatsorsuinermi aaqjissuussinermut atatillugu sarfamut, imermut aamma kiassarnermut atuinerumut aningaasartuutit ilaatinneqarsimanngimmata, atuinerumut aningaasartuutigineqartut assigiimmik akilertarunnaarneqassammata pissutigalugu atuinerumut aningaasartuutit tamakkerlugit nammineeeluni akiliutinik ikaarsaarneq pisortanut taamaallaat annertuumik aningaasartuutaalissammata, aammalu atuinerumut aningaasartuutit nalinginnaasumik attartortut nammineq akiliutaannut sanilliullugit qaffasinnerulissasut naatsorsuutigineqarsinnaavoq, namminerisamik atuinerup aamma atuinerumut namminerumut akiligassap akornanni ataqatigiinneq atorunnaarpat. Tamatuma kingunerisaanik nalunaarsuiffimmi qulaani aningaasaqarnikkut kingunerisinnaasai allaaserineqartumi aaqjissuussinermut taamaattumut naammattumik ersersitsinngimmat. Aaqjissuussinerup taamaattup aningaasaqarnikkut kingunerisinnaasai eqqortumik qulaajarnissaanut, peqqissaartumik misissueqqissaarnermut atorfissaqartinneqartut § 37-mut apeqqummut killissariftaasut avataaniipput.

Naatsorsuinermi ineqarnermut tapiissutinik aaqjissuussineq ilanngunneqanngilaq.

Inussiarnersumik inuulluaqqusillunga


Nivi Olsen